

Pressiteedüs 28. märts 2016

Laul kallus Umalõ Pido lõ läbi rahvalauluõdagide

Aprilli alostusõn nakkas Rāpinält umma tiid Umalõ Pido lõ käümä rahvalaul. Laul kallus läbi Vana Võromaa ja Setomaa 9 rahvalauluõdaguga, kon lauldas vahtsõmbit ja vanõmbit toimumiskotussõ rahvalaulõ.

Uma Pido om ināmb ku ütēpāävāne kontsõrt. Seo om tiikund, minkä joosul pidolisõ', ni tulõvasõ' esinejä' ku kaeja', hinnäst pidos valmis pandva'. Ku inne kolmandat Uma Pido (2013) käve läbi kogo Vana Võromaa võrokõisi lipp, sõs seokõrd tege umaperätse tiikunna läbi laul – et jõuda 28. mai õdagus pidolõ Indsikurmu ja sääil pidotuli läütä.

Laul lätt pidolõ muidoki ka läbi pidos säädvide kuurõ. Päälekauba peetās meelen, et inne koorilaulukultuuri alostust laulsõ mi rahvas regilaulõ ni ka parhilla eläse' kõrvuusi nii koorilaulu- ku rahvalaulukultuur.

Rahvalaul alostas umma tiikunda aprilli alostusõn Rāpinä kihlkunnast. Laulu tiikund pututas kõiki katsat Vana Võromaa kihlkunda ni jõud kõrras ka Setomaalõ. Kõiki, nii väikeisi ku suuri, oodõtas laulma uma kandi vahtsõmbit ni vanõmbit rahvalaulõ. Tulla' või terve perrega! Päält laulmisõ om õdagu osas ka kruusitāus tsāid ni ritsikpille meisterdāmine kingis hindāle ja Umalõ Pido lõ.

Laul võetas üles:

1. aprillil Rāpināl Rāpinä luumismajan,
8. aprillil Obinitsan Seto Ateljee-Galeriin,
15. aprillil Vahtsõliina kihlkunnan Loosi külān,
22. aprillil Rõugõn Saarsilla talokohvikun,
29. aprillil Harglõ Maakultuurimajan,
6. mail Karula kihlkunnan Lüllemāel Kõllatsõ Maja Kohvikun,
13. mail Urvastõn Pokumaal,
20. mail Kanõpin pubin Temp ja Taar,
27. mail joutas Põlva kihlkunda Moostõ Rahvamuusigakuuli.

Laulma naatas kõigin kotustõn kell 18.

Vaihõpāältsel aol om laul kõigi suun, meelen ja süāmen

Rahvalauluõdagit kõrraldas Karula kihlkunna laulunaanõ Freibergi Lilian. Tä om jo 10 aastakka kuun käüvä katsanaasõlidsõ laulupundi – Võromaa Lauluimändä' – liigõ. Laulupundin om hulk talopernaisi, no ka mõnõ rahvamuusikina peris häste tunnõt naasõ. Võromaa Lauluimändä' omma' kohal kõigil rahvalauluõdagil, no päält näide avitasõ' õdagil laulõ iist võtta mitmõ' tõsõ' Vana Võromaa ja Setomaa laulunaasõ' ja –mehe'. “Laulu iist võtta või tegeligult egāüts – tegemist olõ-i folkloorikontsõrdi, a ütislaulmisõga, minkāhe kõik kotussõpāäl olõja' uma panussõ saava anda ja mink võlo om spontaansusõn,“ pallõs Freiberg meelen pitä'.

Tāpsemb teedüs laulu tiikonna kottalõ om edespidi Uma Pido kodolehe pāäl ja aoraamadun ni FB lehe pāäl.

Lilian Freiberg

„Laulu tii pidolõ“ sündmüisi kõrraldaja

tel 5172646

lilian@karula.com

www.umapido.ee